

آدرهس :

IDJTIHAD

اوچنچی سنه

اجتهد

آدرهس :

اجتهد ادارهخانه سی :

شهر امانتی قارشینده دائره

مخصوصه در .

سنه لك آبونہ بدلی ۴۰ نسخه سی

۲ غروشدر

آیده ایکی دفعه نشر ایدیلیر اقتصادی ، اجتماعی ، ادبی ، مجموعه

اولانلری حفظ ایتمکدن محظوظ اولمالیدر . قادین اداره بیتیه مدیری وعائله مؤسسنک آرقاداشی و صاغلام و کثرتلی چوجوق کتیرمکدن قورقایان والدۀ فطینه اولمالی در . توانا ومالیخولیائی کتابلرندن بیرنده (آلفونس دوده) ، زمان حاضر تازه زوجلرینک والدۀ لکدن قورقورلینی ، یکی تأهل ایدن کنج خانملری بیزار ایدن خشتی موضوع بحث ایدیور . بیر ملت حقنده ، صورت مصیبه ده بویله سوزلریازیله بیلدیکی وقت ، اوملت ، قلبنک قلبنه قادار - تعیرمأنوس ایله - ایلکینه قادار چورومشدر . ارککلر ایشندن ویا حقلی حربدن ، یاخود قادینلر چوجوق دوغورماقدن . قورقارسه زوج و زوج ، تیزرلرسه اولنلرک روی ارضدن ، قوی ، جسور و یوکسک روحلی دبرک ارکک وقادینلر ایچین ، اوزده رنده ، حقیقه استحکار موضوعلری اولدوقلری سطح ارضدن سیلینمیلی درلر ، بونلرک روی ارضدن قالمالری اینی در .

(صنایعک ، شمندوفرلرک قیمتی بیر درجه یه قاداردی ؛ فقط جسارت و قدرت تحمل . زوجهلر مزه و چوجوقلر مزه محبت ، عائله و وطن محبتی ، نشانلی لریک . بیری بیرینه محبتی . قهرمانلغه و مجاهدات علویه یه محبت و امتثال ، فضائل و فضائل قهرمانانه و بوتون بو فضیلتلرک یوکسک و مؤثر در ؛ بو فضیلتلر بولونما ییجه هیچ بیر ثروت مدخره ، معظم و آفاق کیر هیچ بیر فیض صنایع ، هانکی شکله اولورسه اولسون هیچ بیر فعالیت آتشی . نه فردلر ایچین نه فردلرک مجموعی اولان ملت ایچین فائده ویرمن . ملنک جسمنه عائد اولان بوشیلرک قیمتی انکار ایتیم ؛ بالکیز ، بونلر زده اونوتدور ماملی که ملنک جسمنک یاننده روحی ده وارد .

بوملاحظه لر ، بوستملر ، بو اندیشه لر بزم مملکت مزه معطوف اولسه قوتلری عجباً قاچ دفعه داها زیاده بویوک اولمازا !

فرانسه اعظمی دهشت و تلاشه دوشورن بو سقوط معنوی بزده اون قات ، یوز قات ، بیک قات فضله در . ایش بویله اولدینی حالده بزده هان هان هیچ بیر نعره ایقاظ

یاشاماق قورقوسی

قارداشم دو قورقور تمویه :

(هانری) بوردونک رومانلرندن بیرینک عنوانی بودر :

«یاشاماق قورقوسی La peur de vivre» . بو رومان کئیله سی فرانسزلی ، آنغولساقسونلرکی متشبت ، جرأتکار ، مشکلات برانداز اولمایه سوق ایتمکدر . فرانسه نک نفوسی آزالیور ، فرانسه نک نفوذی آزالیور ، فرانسه نک ؛ (کوستا لوبون) ، «نمون ده مولن» ، «تن» ، «نمیل بوتمی» ، «نمیل زولا» الخ کبی اعظمی هپ بو تورم معنوی نک حضور اتساعنده آوازلی یتشدیکی قادار باغیر سیورلر . فرانسه چوریور ، فرانسه اولیور ، فرانسه بیتیوردیه فریاد ایدیورلر . فرانسز کنجلری مشکلات ومهالک اوکنه حقیقماقدن ، پدر اولماقدن ، عائله وظائفی آلتنه کیرمکدن ، فوآندی ده خساری ده غیر محدود تشبثلر آتیلماقدن تعیردیکرله «یاشاماق» دن قورقیور ، فرانسه نک قیزلری والدۀ اولماقدن قورقور دیورلر . (غونقور) برادرلر داها بوندن پک چوق سنه لر اول La France est un pays où l'on plante des fonctionnaires et où l'on récolte des impôts یعنی (فرانسه مأمور غرس اولونان و ویرکی حصاد ایدیلن بیر مملکتدر) . دیمه یه جسارت ایتمشلردی .

جاهیر متفقه آمه ریقانک سابق رئیس حکومتی (روزو و لیت) ی دیکله یه لم : یو حیاته ده هر شیئه جهد ایله اولور ز...

صاغلام بیر حکومت ، او حکومتی تشکیل ایدن ارککلرک وقادینلرک پاک ، قوی ، صاغلام بیر حیات سورمه سیله و چو - جوقلرک ، مشکلاتدن قاچاجاق یولده دکل مشکلاتی اقتحامه جهد ایده جک ، استراحتی آرامایوب مشقت وتهلکه یه مطلقا غلبه ایده جک یولده یتشدیریلرله بایدار اولایلیر . انسان افعال رجلانه اجرا سندن ، جرأت ایتمکدن ، مشکوک العواقب تشبثلر ده بولونماقدن . کندیسینی و کندیسنه مربوط

یوکسلمه یور ، سقوطمزده سرعت متزایدله دوام ایدی یورز .
حیاتك ولدت حیاتك مبارزه ده ، اقتحام مشکلاتده ،
اسباب معیشت و رفاهی طالعك قولنی بوکدرك آلدن زورله
آلماقده اولدیغنی مثال امثاللرله اولماسه بیله موعظه لر، ترجمه
حلالرله اولسون کوسترمه لی یز .

حیاتك صفت بشریسی عزم و جهددر . عزم و جهد
استلزام ایدن مقاصد و معالی دن تباعد ایتك حیات دن ،
یا شاماق دن قورقماق در . هپ بو وادی ملاحظه ده ایدی ، که
وقتیله (قهریات) ده :

عنا کورولدیکی نسبتده عزم اولور مزدا

بو صحنه امله مشکلات لازم در .

دیمشك .

موتا یاقیشیر وار ایسه راحت دوشکنده

اقدام و تحمل كرك ارباب حیاته

دیین شاعر حکیم دخی بو فکری افهام و مراد ایتشدی .

(مأموریت پرستك) دییه ترجمه ایتك ایسته دیکمز

Fonctionnarisme هانکی ملته افراط درجه یه وارمشه

اوملتك استقلالی ورم اولمش دیمك در . زیرا ملتلر فردلرك

اجتماعدن حاصل اولدیغی کبی بیر ملتك قیمت حقیقیه سی

اولان سجه ملیه سی ده کندیسی تشکیل ایدن فردلرك تمایل

طبیعی لرینك (قوة محصله) سندن وجود پذیر اولور .

شبانئ بیر قاج یوزغروش معاش ایله فعالیت حیاتیه سی

تحدید و وقف ایتیه دوشکون اولان بیر ملت حریتك

لذتی طویما مشدر و حریتی اهتمام لایقلمه محافظه ایدمه یه جکدر .

اکثریت شبانمزك نخبه آمالی معین و مؤمن بیر معاشه و صوکره

تقاعدیه یه نائل اولماق در . هنده قوشاق ، حبستانه کیتك ،

چینك ایچرلرنده طالعی تعقیب ایتك ، ژاپونیا ده ژاپونلرله

فعالیت و تشبثده بوی اولچمك ، آلمانیا دستکاهلرنده ، فرانسه

اعمال اتخانه لرنده ایشجیلکله باشلایاراق ایش باشی ، (فونتمتر)

اولماق ، داهاصوکره فابریقه لر تأسیس ایتك ، یوللری کونا کون

مشکلات و مزاحم ایله طولو اولان بو مقصدلره دوغرو :

« اولیه بیر شدت تصمیم ایله چیقدم که یوله

قارشیمه چیقسه بیله سنك مزارم دونم ؛

بحر زخار دكل . ابر شرر بار دكل

هپ یانار طاغیر ایله طواسه جوارم دونم »

دییه رك یورویه جك شدت تصمیم و تصمیم شدید اربابی

کنجگر مزه ، هزارین تأسف ، همان هیچ تصادف اولونما یور .

کنجگره دیرم که :

بو عضله لر ، بویه عاطل قالماق ایچین دكل ، علی الدوام

تقلص و انبساط و بو صورته بیر نتیجه نافع حاصل ایتك

ایچین تشکل ایتشددر . بو دماغلر ، بو حجیرات دماغیه شتیق

فسلرك آلتده بی نور و حرکت دوچار ضرور اولماق ایچین

دكل هر نوع اهتزازات نأره و منوره ایله تکثر و نمو ایتك

ایچین متشکل در . آمهریقای شمالی یه بو شوکت و شکوهمادی

و معنوی بی ویرن مأموریت پرستلر دكل مستقل متشبثلر در .

آمهریقای جنوبی بی بو درجه خسران و یریشانی یه

دوشورن مأموریت پرستك و تشبث کرزلک در .

آمهریقای شمالی - که جواهر متفقه امریقانك در - .

بوکون هر جهتجه مدنیت صحیحه نك و ترقینك اُک یوکسك

درجه سی کوسته ریر . شخصی تشبثلر یعنی اهالی نك کندی

کندیسی اداره ایتمه سی شمالی آمهریقاده او درجه ایله ری

کیتشددر ، که حکومتك موجودیتی پك آز احوالده حس

اولونور . بو وجهله حکومتلرك ایسی کندیسی اُک آز

لزوملی قیلان دردیمکله درین و یوکسك بیر حقیقت اجتماعیه یه

لسان بیان و یریلمش اولور .

عصر وزمانك ایسته دیکی حقیق و مستمر اولان تعالی

مدنی ، مأموریت پرستك بتعیر دیگر حکومت پرستارلق ایله

بیروینی زمانده وجود پذیر اولماق محال در .

بوسوزلر مزدن مأمورلرك متکسر و منفعل اولمالرینه حق

وسبب یوقدر : بزم تعیب ایتدیکمز مأمورین ویا مأموریت

دكل مأموریت پرستك در .

مقصد اساسی وطنه ، ملتیه نافع اولماق در . کیمی مأمور

قهرمان (شيخ شامل) قوت وشونتى هب چركسلرك تربيه وآداب عاليه لرندن آلمشدى .

نوت، ژاپونلر ژاپونلردن سوكردهده بجارلر بزم نظر تدقيق وامثالزندن دور طوتولمالى در. ژاپونلر ! ژاپونلر ! يرقاچ كون اول كلن بير تلغراف جهاير متفقه امهريقانك شيمدى يه قدار جهانده موجود سفن حربه نك جهل سندن داها بويوك وداها سريع السبر و ۳۲ بيك طونيلا تولى بيرسفينه حربه انشاسنه قرار ويرديكنى و ژاپونيانك ايسه عىنى جسامت وسرعتده انكى سفينه حربه انشاسنه باشلا دىغى خبر ويريوردي . بز بير قاچ كوچوك حرب كيسى صاين آلاق ايچين فقير ، عاجز اهاليمزدن . اعانه طوبلا بورز . ژاپونيا كندى دستكاهنده انشا ايدىور . هيچ بيرسس ، هيچ بير « يك بيضه و صا هزار دعوى » يوق .

ژاپونيا ايلك دوره خطه سنده اورويابه و آمهريقايه دفعه ۲۰۰۰۰ (بكمى بيك) طلبه كوندرمىشدى ! شا قادكل بكمى بيك ديورم !

بويكمى بيك طلبه ملكتلىرينه عودتلىرنده اعجاز نما بيرسرعتله عمران وانتظام وجوده كيترمىشلىردى . بز بو ۲۰۰۰۰۰ رقتى معارف ، نافع ، ماليه ، اورمان ، حربه بحريه ، زراعت ، پوسته - تلغراف - تلفون ناظرلر مزك ، وبالخاصه وبالخاصه ثروت وحيت صاحبي اولادىرلر ك نظر دقت وملاحظه لرينه كمال اخلاص وتواضله عرض ايتك ايسترز . و طنداشلر مزه وبالخاصه ديداشلر مز اولان

وطنداشلر مزه كمال خاوص ايله سويله رز : بز شمدى ، باليله ريله مك باخود محو اولماق شقلىرندن بيرىنى اختيار ايتيه محكومز . قيل وقال ايله وقت كچيره جك زمانده دكلز . قبل وقال ايله ، بيهوده تفاخرله وقت كچيرمش اولان حكوماتك ، حكومات اسلاميه نك عالمى ميدانده در . شيعليك سنيك اختلافى يوزندن ۸۰۰۰ اهل اسلامك قانيه لكون اولان (بخارا) نى روسا داها بير آي اول صورت قطعيه ده ايشغال ايتدى . اهل اسلامك قانيه لكون اولان ديكند

اولاراق ، كيمى آمر اولاراق ، كيمى صنعتكار اولاراق . كيمى صنعتكار اولاراق ، كيمى تاجر اولاراق وطن وملته ايفاي دين خدمت ايدر . فقط هيچ بير ملكت يوقدر . كه بوتون شبانى اشغال واستخدام ايدجك درجده كثير مأموريتلر بولونسون . بو حالده شبانك دورتده اوچنك جانانه مأموريت حسرت وهجرانله بير عمر آوارم كچيرمه سى ناصل روا اولور ؟

بز ه ، شئي حكومت دن ايستمه يه ، حكومت دن بكمه يه اويله بير درجه مهلكه ده آليشمشز كه كندى همتزدن ، كندى ارادتمزدن . كندى تشبهمزدن بيرشى طلب واستحصال ايتيه عادت او نو تشمزدن .

سرور اهل هم (صلعم)

« اخشو شنوا فان النعم لاتدوم »

« يعنى مزاحمله الفت ايدىكز نعمتلىر دائمى اولماز » سوزاراق مشكلات ومزاحمى افحام واستصغار ايتيه امتنى تشويق ايتشدر .

(تصوير افكار) ۱۶ شباط ۱۹۱۰ تاريخلى نسخه سنده نشر اولونان مکتوب مزده سويله ديكمز كيى بزم ايچين اكاى نمونه امثال ژاپونلردر .

بو مرتبه شوكت ومدنيته ، اونلر كه نه واسطه لرله نه يوللرله اصل اولدوقلر نى تحقيق وتحقيقا ترمى كنديمز . تطبيق ايتمه لى يز . ملكتمزده تشكىل وتميىنى بير چوق كرملىر اطهار ايتيش اولدوغمز (انجمن ترجمه) نك ايلك ايشى ژاپونيا ترقياتى تدقيقه مطوف آثارك ترجمه سى اولمالى در .

بوخصوصه British authors كلياتنك ۳۹۵۷ نجى عدينى تشكىل ايدن ژاپونجه بورك ديك اولان orokok عنوانى كتاب يك مفيد اثرلر در . چونكه ژاپونلر ك حيات داخليرى تدقيق ايدر . بير ملكت تجليات حياتيه سنك كافه سى آنجا ق معيشت عاليه دن صدور ايدر .

قوجه بيرروسيا حكومتيه قيرق سنه على الدوام چارپيشان

قورقاماق ایله قائم در . « جاهدوا فی سبیل الله » یاشاماقدن
 و یاشاماق یولنده اولمک دن چکیمه یک دیمکدر . سبیل الله
 ذالت و مسکنت یولی دکل در . سبیل الله ، ترقی یولی در ،
 عدالت یولیدر ، شوکت و غالبیت یولی در ، حمایه ضعفا
 یولی در ، استحقاق جبروت یولی در ، انصاف و مرحمت
 یولی در ، سعی و همت یولی در ، سبیل الله نه فقر و مسکنت
 یولیدر ، نه توکل بهیانه یولی در ، نه ده تعرض بی شعورانه یولی .
 اوروپایی همان باشند باشه کزدک ، افریقایی شمالی یی
 مصر دن طرابلس غرب دن فاسه قدار کوردک ، بورالرده سنه لرحه
 یاشاماق قورقوسی کورمه یه رک یاشادق : بیر گوشه ، بیر بوجاق
 بولماق که اوراده تاجر ، قهوه چی ، فابریقه چی ، دکر منچی ،
 بقال ، کپیچی اولاراق ییرونانی بولونماسین . بونلر پکده
 بکه نیلمین روملدر .

حبشستانده زنکین اولمش چوق روملر کوردک .
 (بور آرتور) ده میلیونر اولمش روملر طانیق . (موقدن) ده
 مؤسسه لری اولان روملر ایشیتدک . (شانفای) ده
 تجارتخانه لری بولونان روملری طانیق . دیمک که بوملتک
 افرادی یاشاماقدن قورقایور . یاشاماق قورقوسنه مبتلا
 ملتک شبنانی بایتخت دن چیقماق دن تیتیر ، باب عالیده فلان
 قلمده آلتی یوز یاخود بیک غروش معاشه ملازمت ایدر .
 فقط شبنانی بویله اولان بیر ملتک حکومتی ده لایق قطع
 استقراض عقد ایدر . صوکره سیلان دیشی قلمی بیر محررقالقار
 « تورکیا بیر مملکت در که مأمورین اکیلیراستقراض بیلیر ! »
 دیر ؛ بوسوزی اهل اذعان ایچین اک آجی بر نعره ایقاپ و ستم
 اولوو . سویله یوروز و بوسوزک طنینی هیچ بیر کورولتو
 ستر ایدمه یه جک در . معدن اخلاصک طنینی لایزال در ،
 ابدی در :

اخلاصی ، عامی . قوت ایمانی آلوییر
 انسانجه قادر اولما دیمک طالب اولمادر .

جناب حق دن استغفار ایدهرز . بویله بهائم اسلام
 شرف معقولیتی اسناد ایتک و اهاب الادراک حضرت ترینه
 قارشیی ، بلکه ، بیر عصیان در . مسلمانلر بانکز اسم و قیافتله
 دکل روحاً ، عقلاً ، اخلاقاً مسلمان اولدوقلری وقت
 اندلس مدینیتی ، بغداد مدینیتی ، شام مدینیتی ، هند مدینیتلری
 وجوده کتیردیلر و شمعی عاداتا تحت وصایتنده بولوندیغمز
 اوروپایه درس عرفان و یردیلر ، وجود انسانیتده بیر عضو
 مهم و سالم اولدوقلری کوستردیلر .

حیات اوکنده یز . حیات قورقوسی یوره کزه
 کیرمه سین ، حیات دن قورقماق ممات دن قورقماق دن داها
 جبینانه ، داها ذایلانه در . حیات وارلق در ، وارلق مبارزه در ،
 مشکلاتی دویرمکدر ، ایله ریه مکدر ، دایما ایله ریه مکدر .
 یاشامق - « ایکی امل » [۱] ده سویله مشدک -

بیر میزان وجدانی یه مالک بولونوپ اونکله نیک و بدی
 طارتماق در ، یاشاماق حال دن متبسم اولماق ، استقبالی
 شاهی بلند ادراک دن تماشا ایتک در . بز یاشامایورز ،
 قارداشلرم ، بز یاشاماقدن قورقیورز ؛ قارداشلرم ،
 یاشاماقدن قورقایلم یاشایه بیلیمک اک بیرنجی شرطی
 یاشاماقدن قورقاماق در . یاشاماق مشکلاتی دویردک بیر مقصد
 شوکت و عرفانه واصل اولماق در .

حیات او قدار مهم ، او قدر بیوکدر ، که یولنده حیات
 بیله فدا ایدیلر . و حیات ایچین فدای حیاته نه درجه
 آماده بولونولورسه حیات اودرجه بیوک و یوکسک اولور .
 قانی بیر قومشومن بلغاریا قورالغندن کان قلیج شیقیردی لری
 قلیج شیقیردی لری زباده ، شومندوفر ، فابریقه ، مؤسسات
 صناعیه کورولتولری ایشیتمه یورمیسکز ؟ بوشیقیردی لر ،
 بو کورولتولر ، بولولوه حیات و کوشش دیور ، که
 بلغارلر یاشاماقدن قورقایور ، بلغارلرده یاشاماق قورقوسی
 یوق ! اقواله دکل افعاله باقک . حقیقی انسانلق یاشاماق دن
 [۱] (ایکی ال) (کتبخانه اجتهاد) ک ۴ نجی عددی
 تشکهل ایدن بررسلا در . مطالعه سنی کنجلره توصیه ایدهرز .

خلق . عموم ، ياز قانه ، ياز دماغه :
وارلق مبارزه ، ياشاماق غالب اولمادر .

اسکندريه ۵ مارت ۱۹۱۰

دوقور عبدالله جودت



مصیبتلر قارشيسينده نصيحتلره محتاج اولمايه لم !

مصیبتلر انسانلرک خواجه اولی ، مربي عقور و وقوری ؛
نصيحتلرکده شکل فعلی سیدر . فقط مع التاثر بو خصوصده
بزمعما ماهیتلی بر مستشاز !

معارف ناظرلرک صندالیه سنی یالکز اندامیه دکل
قفاسیلده طولدیران محمد منیف یاشا دیرمش که «عثمانیلیری
قابریقه دودوکاری او یاندیرمه دی ، صور اسرافیل بلکه
ایفاظاید . « پاشا ، بیلمه مش که بز صور اسرافیلده
دویسه ق منوم برسورنای اذواق کی دبکله مک خصلتده
یاراتیلمش بر خلق اولادی یز . افریقا آفاق در بدرنده
آتیلان روما طویلری قولانمز بر صور اسرافیل سیاست
تأثیری یایمق ایجاب ایدردی . ایتالیا لبرک افواء ناریه سی
قارشيسينده ايسه خيازه آلود آغزلر مز حالا قادين شعرلری
صایقلامقله مشغول

کوزی آچیق اولارق آغز مزه آلمدیغمز شو افریقاده کی
وطن عثمانی نک اسمنی هیچ اولمازسه خواب غفلتمز آره سنده
تکلم ایتسه ک ! ! فقط نه ممکن ! . . . بزم افریقاده کی
والده مزدن اول شو بیزانس خرابه زدائلنده منتظر مجاملاتمز
اولان معشوقه لرمز وار . . .

مبیلرینک وجدان مفروضی بلکهده موقه راحتسز
ایده جک اولان بوتأثیرلری یازمقدن مقصدم شودر :
یوهفته چیقان بر مجموعه ادبیه یی اوقویوردم . رسمیلره
مندرجاتی آره سنده فضاحتلی بر تضاد وقیح بر اعتیاد لوحه سی

کوردم . بو مجموعه نک بر صحیفه سنده پدر - جدا ، زوج -
مه جور ارا مل الیم یی ایتالیا عسا کر شقاوت مأثری کوتوریورلر ،
دیگر صحیفه سنده ایه بر عثمانی شاعری معشوقه سندن یا خود
معشوقه لرندن باحث بر شعر یازمش ، او واء . قادیلردن ،
ملاحتاردن باحث وشو حرب زمانده بر نفرت محملده یه
بحق باعث اولان بوشعرك ، بونفس اماره شرقی سنک
صاحی ، شخصی مسلکندن زیاده سودیکم بر احبابمدر .
اسمعی تصریح ایتیه جکم . آتی نک مورخ واقعاتی اواسم
بدبختی تصریح و قبیح ایتسین .

ملنارک قضا و قدرینه قلیچ قدر قلمده محور مدبردر .
قلملر مز هیچ اولمازسه بویله بر زمانده قادین اتکنی عثمانی
یا براغندن دهامتعالی کورمه سینلر .

ساعات خسرا نی افریقا عربلرینک صوک نفسلریله همراه
آخرت اولان شو ایچنده یاشا دیغمز دور فلاکت ملت ،
اولماهیته بر زمان مظالمدرکه الکملوث ومفترس سفاهتخانه -
لرک بیسه ولوله اشها وشهوتی - باشقه ملتدرده اولسه -
صوصار ، الکعربان و وارسته بیان اولان سینلر بیله - باشقه
قوملرده اولسه - البسه سیاه ماتم کیر . بز بوقدرینی
ایسته میورز ، دیورز که هیچ اولمازسه افواء ادبک صدای
حرصی صوصسون هیچ اولمازسه اقلام شعرك مراعاتکار
تستر اولدینی کورولسون ! . . .

لامارینک (رافائل) یازدینی پرولونگی اوقودیغم زمان
برققرمسی قولاقلمده - سنلرک تاب و طقت اسکات
کوسترمیه جکی درجه ده شدید ومدید - برطین مهیکل
حک ایتشدی : « فضیلتی مقدس اولدینی ایچون دکل ،
کوزل بولدینی ایچون سهودر ! ! »

آلهم ، بزدهده فضیلت بشریه نک خیل چشم سیاهنه ،
هیچ اولمازسه مملکتک قره طالعنه حرمة ، عاشق اولاجق
شاعرلر نه وقت تکثر - تکثر می ؟ خیر ! - نه وقت تولد
ایده جک ؟

۱۲ تشرین ثانی ۱۳۲۷

مدحت جمال